



UNIVERSITÄTS-
BIBLIOTHEK
PADERBORN

Baldvini Cabilliavi E Soc. Iesv Magdalena

Cabilliau, Baudouin

Antwerpen, 1625

XXXI. Dryas miratur subitam è Magdalena ardente flammam in siluis.

[urn:nbn:de:hbz:466:1-70461](https://nbn-resolving.org/urn:nbn:de:hbz:466:1-70461)

Cordis intimas medullas,
 Pennipes Deus terebrat.
 Corde, cerne, palpanti
 Fax sedet, sedetque arundo
 Igne criniens & auro:
 Costa lucet, ossa lucent
 Criniente de sagittâ;
 Deque luce crispifuscâ
 Lucet athra, silua lucet,
 Lucet vnda, lucet vmbra.

X X X I.

*Dryas miratur subitam è MAGDALE-
 NA ardente flammam in siluis.*

HANC vbi Napæa flammam
 Vidit ardens ab vlmis;
 Adstupet, stupensque clamat:
 Aegra Nympha, tristis hospes,
 Frondeis plagis oberrans;
 Quid meos corusca lucos,
 Ad facem tui perennem,
 Vertis in rogos voraces,
 Vertis in breues fauillas?

Amor ad Napæam.

INQVILINA casta siluæ,
 Mitte, mitte, Nympha mitte
 Anxios metus, & iras.
 Nulla fax opaca regna,
 Flamma nulla, nullus ardor
 Igneâ ruet procellâ,

H 2

Quam

Quam Dryas tremat comata,
 Aut Hamadryas, vel alba
 Nympha fontibus susurrans.
 Hoc virente sub theatro
 Quidquid ardet, emicatve
 Purpurans virente siluâ;
 Id perenne lucet astrum,
 Vt iubar noui diei,
 Vnde lux sit hisce lustris,
 Frondeisque sol tenebris,
 De dolore Magdalenaë,
 Deque amore, deque flammâ,
 Deque sole Numinis.

XXXII.

MAGDALENA *peccati sui monstrum*
vult lacrymis mergi.

ABORTVS ille, quem timetis hospites,
 Nefastus, orbus, asper, æger athiops,
 Flagrante corde Magdalenaë aborriens,
 Serensque monstra tetriora Cerbero,
 Pudorque Cæli, & impium soli probrum,
 Sinu nigrante Magdalenaë vt eruit,
 Simulque fixit acriore lumine
 Amor, venustus ille Numinis decor;
 Ait fuisse partuum nigerrimus,
 Auerna quos echidna fudit, & nigra
 Scelestâ noxa noxiæ puerpera.
 Et ista monstra, monstra dira & impia,
 Alit nigrante lacte fera Magdalis,
 Sibi Megæra facta, & improbus furor,

Procul